

(<https://news.usm.my>)

Berita Mutakhir ▾

03 DEC ANHRD LIHAT PELUANG KOLABORASI BERSAMA USM DALAM BIDANG PERUBATAN



USM, PULAU PINANG, 2 Disember 2016 – Naib Canselor Universiti Sains Malaysia (USM), Profesor Datuk Dr. Asma Ismail hari ini menerima lawatan rasmi delegasi daripada Republik Seychelles. Asma mengalu-alu kedatangan delegasi ini dan USM sentiasa membuka peluang kepada pihak luar untuk berkolaborasi dan bekerjasama dalam bidang yang berkaitan.

Delegasi seramai 4 orang dari Republik Seychelles diketuai oleh Ketua Pegawai Eksekutif, Agency for National Human Resources Development (ANHRD), Terence Gavin Francoise bersama Pegawai Kesihatan Kanan Dr. Susan Andree Therese Fock Tave, Pegawai Kesihatan Kanan Daniel Jude Belmont dan Pegawai Biasiswa Frances Rita Barra.

Delegasi ini dibawa oleh Pengarah HUSM merangkap Pengarah Kampus Kesihatan USM, Profesor Dr. Ahmad Sukari Halim yang terdahulu telah berada di Kampus Kesihatan USM sebelum lawatan ke Kampus Induk ini.

"Saya berharap pihak USM dan ANHRD akan menggunakan peluang ini untuk melihat potensi yang ada bagi kedua-dua pihak bagi menjalin kerjasama untuk program pertukaran pelajar dan akademik terutama bidang yang menjurus kepada perubatan," jelasnya.

Sementara itu, Terence pula menyifatkan pertemuan ini dapat membuka lembaran baru dalam kerjasama serta kolaborasi yang dapat dijalin bersama antara pihaknya dengan USM dalam bidang kesihatan dan perubatan serta melihat kualiti latihan dan infrastruktur yang dapat ditawarkan oleh USM.

Yang turut hadir ke perjumpaan ini adalah Dekan Institut Pengajian Siswazah USM, Profesor Dr. Rozman Din dan Penyelaras Pusat Pembangunan Perniagaan USM, Dr. Muhammad Izzuddin Syakir Ishak.

Teks: Hafiz Meah Ghous Meah / Foto: Ebrahim Abdul Manan



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015